



TATACARA PERMOHONAN LESEN ANJING

1. Dapatkan Borang Permohonan Lesen Anjing di Kaunter Pelesenan, Majlis Daerah Mersing.
2. Lengkapkan butiran pada borang permohonan (butiran A hingga D) dan lekatkan gambar-gambar berkaitan di ruangan (E hingga G).
3. Lengkapkan Borang Pandangan Jiran (Lampiran 1).
4. Membuat pemeriksaan dan mendapatkan suntikan pelalian anjing berkenaan daripada Jabatan Perkhidmatan Veterinar/Doktor Veterinar Berdaftar serta lengkapkan maklumat (Lampiran 2).
5. Serah borang permohonan dan lampiran-lampiran yang lengkap berserta salinan-salinan yang diperlukan (kad pengenalan pemohon, surat pemeriksaan/sijil kesihatan) di Kaunter Pelesenan, Majlis Daerah Mersing.
6. **Borang yang lengkap sahaja akan diproses.**

SYARAT-SYARAT PERMOHONAN LESEN ANJING

1. Anjing mencapai umur tiga (3) bulan perlu mendapatkan lesen daripada Majlis Daerah Mersing.
2. **Jenis premis yang dibenarkan memelihara anjing ialah rumah kediaman sesebuah (Banglo - 2 ekor), rumah berkembar (Semi D - 2 ekor), Rumah Teres lot tengah atau lot tepi (1 atau 2 tingkat - 1 ekor), rumah teres lot hujung (Conner - 1 ekor).**
3. Jenis premis yang perlu mendapatkan pandangan jiran ialah **rumah teres (1 atau 2 tingkat), lot tengah perlu mendapatkan pandangan jiran kiri dan kanan sahaja, rumah teres lot tepi dan lot hujung (conner) perlu mendapatkan kebenaran jiran kiri atau kanan sahaja.**
4. Pemohon perlu mengemukakan gambar anjing, gambar lokasi rumah anjing dan gambar sekitar premis pemohon dengan menggunakan borang yang disertakan.
5. Pemunya anjing perlu mengemukakan Sijil Kesihatan daripada Doktor/Pegawai Jabatan Veterinar Negeri Johor atau lain-lain Doktor Veterinar berdaftar. **[Suntikan ubat pencegahan anjing gila (hydrophobia) kepada anjing peliharaan tidak diwajibkan].**
6. Jenis anjing yang tidak dibenarkan dipelihara ialah Akita, American Bulldog, Dogo Argentino, Fila Brasileiro, Japanese Tosa, Neapolitan Mastiff, Pit Bull Terrier/American Pit Bull dan Staffonshire Bull Terrier.
7. **Anjing dari jenis Rottweiler tidak dilarang untuk dipelihara tetapi pemilik perlu mendapatkan kebenaran khas daripada Jabatan Veterinar Negeri Johor sebelum dilesenkan oleh PBT.** Syarat mendapatkan kebenaran khas ini bagi permohonan baru sahaja. Bagi pemilik sedia ada yang telah mempunyai lesen boleh terus memperbaharuihnya sehingga anjing tersebut mati.

BAHAGIAN PELESENAN,
MAJLIS DAERAH MERSING.
TEL : 07-7981818 samb:228

MAJLIS DAERAH MERSING

SYARAT-SYARAT LESEN ANJING

1. Pemunya anjing hendaklah:-
 - i. Menyelenggara rumah anjing di mana anjing itu ditempatkan dalam keadaan cuci dan bersih.
 - ii. Membuang dari premisnya apa-apa bahan najis daripada anjing dengan apa-apa cara yang tidak mungkin akan menyebabkan kesalahan atau kesusahan pada orang lain.
 - iii. Mengambil langkah-langkah yang perlu untuk memastikan anjing tidak mengganggu disebabkan oleh salakan yang tidak berhenti-henti atau selainnya kepada jiran-jirannya.
 - iv. Mengambil langkah-langkah yang perlu untuk memastikan bahawa anjing itu tidak merayau di luar kawasan premis pemunya dan anjing itu hendaklah berikat dan dipakaikan sarung mulut ketika dibawa keluar oleh pemunya.
 - v. Tidak boleh membawa anjing ke tempat-tempat awam untuk membuang najis. .
 - vi. Pemunya anjing hendaklah mengadakan kolar yang sesuai untuk dipasang lencana logam dan dipakai oleh anjing pada setiap masa.
 - vii. Mempamerkan papan tanda "**Ada Anjing Di Sini**" di setiap premis mempunyai anjing.
2. Mana-mana anjing yang didapati bebas di tempat awam, berpenyakit dengan tidak memakai lencana logam lesen Majlis Daerah Mersing menimbulkan kacauganggu kepada orang lain atau anjing dipelihara di tempat yang tidak dibenarkan akan dirampas, ditangkap dan dihapuskan.
3. Pemilik anjing hendaklah pastikan anjing telah disuntik dengan vaksin iaitu penyakit canine distemper, parvo virus dan hepatitis. Vaksinasi ini perlu disuntik setiap tahun.
4. Kadar bayaran lesen anjing adalah seperti berikut :-

BIL.	JENIS ANJING	KADAR BAYARAN (RM)/TAHUN	
		LESEN	LENCANA LOGAM
1.	Anjing betina yang belum dimandulkan	30.00/ekor	20.00
2.	Anjing betina yang dimandulkan	10.00/ekor	20.00
3.	Anjing jantan	10.00/ekor	20.00

5. Apa-apa fi yang telah dibayar tidak boleh dikembalikan.
6. Lesen ini akan tamat tempohnya pada 31 Disember pada tahun lesen itu dikeluarkan.
7. Lesen boleh dibatalkan sekiranya pelesen gagal mematuhi mana-mana syarat lesen yang diperuntukkan.
8. Sesiapa yang melanggar mana-mana Undang-Undang Kecil Pelesenan Anjing (Majlis Daerah Mersing) 2003 ini, adalah melakukan satu kesalahan dan boleh disabitkan kesalahan dan dikenakan denda tidak lebih daripada RM1,000.00 atau dihukum penjara tidak lebih daripada enam (6) bulan atau denda atau kedua-duanya sekali.